



In dumënia ai 24 de October él gnü sughé l' otava partida dl campionat 2010/2011 de 3° categoria por La Val. La partida é gnüda sugada in ciasa cuntra la Val Badia (scuadra che é gnüda metüda sö nōia in chësc ann, formada bëgn da 8 paisc dla Val Badia). La partida è jüda fora 2 a 0 por la Val Badia. Cun chisc trëi punç lasciá sön trú, se porta la squadra da La Val al 6° post te tlassifica.

La partida á metü man nia cis bun por La Val, che se ciafa bel dô da cin menüc le goal dl 1 a 0. Le goal é nasciü sön en angolo conzedü dal arbiter che ne ê nia. Le pal rōia te area, i defenurs da La Val ne é nia bugn da trá dmez le pal atira, en sogadú dla Val Badia é plü scvelto y é bun da se oje atira y fa en bel tiro angolé sot la traversa ite. Le portier da La val ne á albü degüna poscibilité da paré le bel tiro, deache al ne á nia podü udëi le pal canche al é pié ia, deache al ê blëgn de sogadusc che á curí la pala. Insciö se porta la Val Badia in vantaje. Püch dedô canche La Val ê tla fasa da ataché, él en defensur dla Val Badia che fesc en bel lancio al atacant, chësc bel lancio tol la difesa da La Val en controtempo. Le portier da La Val pro ciamó da gni fora, mo le atacant dla Val Badia é bun da fá en bel palonetto che rōia te porta. Insciö é La Val tl tēmp de 15 menüc sot de dui goi. La Val pro ciamó tl prüm tēmp da oje la partida. Mo la furtüna ne é nia sön la pert súa. En bel tiro da lunç de Verginer Franzí rōia sön le palo y en ater bel tiro de Sottara Werner rōia sön la traversa. Le prüm tēmp se stlüsç jö sön le 2 a 0 por la Val Badia. Tl secundo tēmp él püces oportunitês da fá goal da trames le pērts. En pēr de situaziun che degügn á ciamó capí él ste da pērt dl arbiter, che á dé la cōcena an sogadü dla Val Badia, che an ne sá ciamó nia ciudí. En per de gheles al ince mostré, sēnza che valgügn éss capí ciodí y canche al foss sté da amoní sogadusc, ne le al nia fat. La partida se stlüsç jö sön le 2 a 0 por la Val Badia.

La formaziun titolara dla partida:



In cürt ciamó les sostituziuns dla partida:

al 46 Schuen Filippo por Frenes Michael

al 55° Elzenbaumer Alex por Rubatscher Florian

al 65° Nagler Max por Verginer Franzi

al 80° Tavella Thomas por Sottara Werner

Por ciaré ales foto dla partida clicca. [Foto](#)

Por ciaré ala tlassifica y i resultač dles artres partidas clicca. [Resultač y tlassifica](#)